

TAELO YA KEREKE

 Re sa tšwa go tswalela kopano ye kgolo ya mašego a mahlano ka tabarenekeleng, moo, ka mogau wa Modimo le ka thušo ya Gagwe, ke lekile thata, ka Mangwalo, go bea lenaneong Kereke ya Morena Jesu Kriste, bjalo ka ge re dumela ka go Tabarenekeleng ya Branham.

² Selo sa pele ke dumago go se bolela ke gore modiša ka mehla o na le taolo ya go tlala ya tabarenekeleng mo go se beng gona ga ka, gomme ke lebeletše feela go modiša ge ke bowa. Kafao, o na le taolo ya go tlala go fetola goba go dira e ka ba eng a naganago ke ye kaonekaone kudu, ka tlase ga boetapele bja Moya wo Mokgethwa, ge ke sa le kgole.

³ Re dumela go Kereke ya boapostola, go ruta ditšhegofatšo tša boapostola bakeng sa batho ba letšaši le. Re dumela go Ebangedi ya go tlala, le go dumela gore maswao ohle le matete ao a boletswego ke Morena wa rena Jesu Kriste, a tla felegetša Kereke ya Gagwe go fihla A bowa. Re dumela go dilo tše, le go dumela gore di swanetše go bewa ka lenaneo, gore Kereke e na le taelo ya yona. Gomme kereke ye nngwe le ye nngwe e na le dithuto tša yona, le lenaneo, le boitišo.

⁴ Kereke ya rena ga e na maloko bjalo ka batšoini. Re dumela gore Kereke ka moka ya lefasepharephare ya Modimo yo a phelago ke banešu le dikgaetšedi tša rena; le gore batho bohole ka mehla ba amogetšwe, go sa kgathale ke kerekeleina efe ba lego ba yona, ka Tabarenekeleng ya Branham, ka Eighth le Penn Street ka Jeffersonville, Indiana.

⁵ Re dumela go “tokafatšo ka tumelo,” Baroma 5:1. Re dumela gore, ka morago ga ge motho a lokafaditšwe ka tumelo, o na le khutšo le Morena Jesu Kriste. Eupsa go a kgonega gore motho yo wa go swana a ka ba le mekgwa ye bjalo ka go nwa, go kgoga, go dira dilo tše a sego a swanela go di dira, mekgwa ya bohlaswa ya nama.

⁶ Gona re dumela gore Madi a Jesu Kriste a hlwekiša motho yo bakeng sa tirelo ya Morena. Gomme seo ke, re dumela go “tlhwekišo” go ya ka Bahebereg 13:12 le 13, “Moo Jesu gape, gore A ke a hlwekiše batho ka Madi a Gagwe Mong, o tlaišegile ka ntle ga dikgoro.” Gomme re a dumela gore tlhwekišo e rutwa ka go Testamente ye Mpsha, gomme e be e era badumedi go kgabolabeka la Testamente ye Mpsha, yeo bjale re phelago.

⁷ Gomme gape re a dumela gore ka morago ga ge motho a hlwekišitšwe, mekgwa ya ditšhila e tlogile mothong, ke modumedi go Morena Jesu Kriste, gomme mekgwa ya gagwe e ile: re dumela gore gona ke yena morutwana wa “kolobetšo

ya Moya wo Mokgethwa,” ye e tlago bjalo ka go tlatšwa ga modumedi. Gomme gona ge modumedi . . .

⁸ E no ba, makga a mantši bjalo ka ge ke e rutile, boka go topa galase ntle ka serapeng sa dikgogo. *Tokafatšo* ke “go e topa godimo, komana go e šomiša,” ka morero ka pelong. Seo ke se Modimo a se dirago go modiradibe. O sa no ba ditšhila.

⁹ Ka gona o hlwekišwa ke Madi a Jesu Kriste. Gomme lentšu go *hlwekiša* ke lentšu kelels gobedi, le le rago, “go hlwekišwa, le go beelwa thoko bakeng sa tirelo.” Ka go Testamente ya Kgale, aletara e hlwekišitše sebjana, gomme se be se beetšwe thoko bakeng sa tirelo.

¹⁰ Re dumela gore Moya wo Mokgethwa o bea sebjana sa go swana ka tirelong. Gore Moya wo Mokgethwa ga se kgato ye nngwe ya mogau, eupša bontši bja mogau wa go swana woo o tlalago modumedi go fihla mo maswao ale le matete, bjalo ka ge dimpho tša boapostola di boletšwe ka go Bakorinthe ba Pele 12, go iponagatša ka botšona ka modumedi yo ge Moya wo Mokgethwa o etla ka gare go tšea mpho.

¹¹ Ke a dumela gore Lengwalo le ruta gore “dimpho le dipitšo di ka ntle ga tshokologo,” gore ge re tswalwa ka lefaseng le, re rometšwe fa ka morero o tee, woo ke, wa Modimo. Gomme gore pele ebile re eba ba bagolo, ge re sa le bana, dimpho tše re nago natšo tša Modimo di ka go rena gona, gomme feela go tlatšwa ga Moya wo Mokgethwa go bea dimpho tše go šomeng; eupša re na le tšona mo mathomong, bjalo ka barutiši, le baapostola, le—le baprofeta, le dimpho tša maleme, le dimpho tše senyane tša semoya go ya ka Bakorinthe ba Pele 12. Bjale, re a dumela gore dimpho tše di a šoma lehono, gomme di swanetše go ba ka kerekeng ye nngwe le ye nngwe ya selegae.

¹² Le ge go le bjalo, re hweditše, go kgabola lefase ka moka, gore go na le bohlanya bjo bontši bo kgokagane mmogo le batho ba ba ipolelago go ba badumedi ba boapostola. Feel a bjalo ka ge ba le ka go ditaelo tše dingwe, le go ya pele, re na le mahlanya. Seo se bile gohle mmogo, re bile le bale go kgabola mabaka. Ba bile le yona ka go letšatši la boapostola; gomme bjalo ka ge Paulo a boletše kua, gore ka fao ba bangwe ba tlidego le go “ba kgodiša go tloga, ka morago ga dithuto tše dingwe,” le go ya pele. Eupša ka go thuto ya gagwe mong, o rile, “Ge Morongwa go tšwa Legodimong a ka ruta e ka ba eng gape,” go feta se a bego a se rutile, “a be morogwa.”

¹³ Kafao, rena, bjalo ka Tabarenakele ya Branham, go Eighth le Penn Street fa, re leka go latela dithuto tša Testamente ye Mpsha. Ka gore re a dumela, gore, Jesu Kriste, e lego Morwa wa Modimo, gomme Paulo moapostola o be a le sebjana se se biditšwego le go hlaolwa, ka kgetho ya Modimo, go romelwa go Kereke ya Bantle go e bea ka lenaneo.

¹⁴ Bjale, re dumela go “kolobetšo ya meetse,” ka go Tabarenakele ya Branham, ka go karabetša, “Leineng la Morena Jesu Kriste,” e lego thuto ya boapostola ya Beibele. Gomme a nke, maloko ohle a, goba, ba ba tlaggo go Tabarenakele ya Branham, bao ba kganyogago e bjalo, a nke, nako efe kapa efe (go kgopeleng go karabetšwa, Leineng la Morena Jesu), a nke ba botšiše modiša, gomme ge ba sokologile, le go dumela go Morena Jesu Kriste, modiša o tla dira, ka pela ka mo go kgonegago, ebile le nako yeo ge a ka kgonago, go ba kolobetša ka pela. Se se ba tliša ka kopanelong ya badumedi. Re dumela gore ka kolobetšo ya meetse re tlišwa ka kopanelong.

¹⁵ Eupša ka kolobetšo ya Moya wo Mokgethwa, re tlišwa ka go maloko, e lego maloko a Mmele wa Jesu Kriste, wo o lego gohlegohle lefaseng.

¹⁶ Bjale, selo se sengwe seo re se dumelago, gore, “Ponagalo ya Moya e fiwa motho yo mongwe le yo mongwe go hola ka yona.” Bjale, re dumela gore ge dimpho tše, le go ya pele, di šoma ka Kerekeng, ye re e dumago le go hlologela gore batho ba ba filwego ke Moya, ba tle gomme ba rapele le rena.

¹⁷ Bjale, ka mafelong a mantši kudu, re hwetša gore ge dimpho tše ka go batho, batho ga ba kwešiše ba šomiše dimpho tše *bjang le neng*, gomme, go direng bjalo, ba tliša feela kgobogo; ye re dumelago e tla ba feela se Sathane a ka kgonago go se dira go dira bakantle, basedumele, le go ya pele, go boifa tšhegofatšo ye ya go makatša yeo Modimo a e filego go Kereke mo matšatšing a.

¹⁸ Paulo o rile, “Ge go etla mosetsebje magareng ga rena, gomme bohle re bolela ka maleme, a monna a ka se ye kgole gomme a re re be re ‘gafa’? Eupša ge yo motee a ka profeta, le go dira go tsebja sephiri sa pelo, gona ba tla wela fase gomme ba re, ‘Therešo, Modimo o na le lena.’”

¹⁹ Bjale, re dumela gore dimpho tše semoya, magareng ga badumedi, ke lenaneo la letšatši. Re ka se dumele gore motho a ka rera ka tlase ga tšhušumetšo gomme morago, goba, a ba morutiši yo a šušumeditšwego, gomme morago a gana mpho ya phodišo, goba mpho ya seprofeto, goba go bolela ka maleme, goba tlhathollo ya maleme, goba ye nngwe ya dimpho tše dingwe tše.

²⁰ Kafao, kagona, tumelo ya ka še ka go Lentšu la Modimo, tsela ye Tabarenakele ya Branham, ka Eighth le Penn Street mo ka Jeffersonville, e swanetšego go šoma. Ke a nagana, selo sa pele, le go dumela gore dilo tše tseo ke di boleLAGO di bohlokwa gomme di swanetše go rwalelwā ntłe ka mokgwa wo, ka Tabarenekeleng ya Branham, gore yona e atlege ka go Morena. Gomme ge nako ye nngwe le ye nngwe se, se se tla botšišwa, motho yo a botšišwago ka yona a nke a mpotšiše ge ba sa kgone go fihla go modiša, goba ba ka botšiša modiša. Ge ke le gae, go tšwa go a mangwe a maeto, ke tla thaba go—go thuša e ka ba maloko goba modiša nako e ka

ba efe. Gomme dilo tše ke tša Mangwalo, gomme ke a dumela ke tshepedišo ya Kereke.

²¹ Ke a nagana, sa pele, gore moleloko yo mongwe le yo mongwe, goba, morapedi yo mongwe le yo mongwe, wa Tabarenekele ya Branham, o swanetše go ba ka go lerato le Lekgethwa kudukudu le bona seng go fihlela go tla... dipelo tša bona di tla hlologelana seng ge ba swanetše go tloga, go tlogelana seng sa bona ka tirelong, mo bosegong. Ke modumedi wa therešo ka go "lerato le Lekgethwa." Moapostola Paulo o boletše gore e be e le bohlatse bja Moya wo Mokgethwa. "Ka mokgwa wo, batho bohole ba tla tseba le barutiwa ba Ka," go boletše Jesu, "ge le ratana seng." Gomme re a dumela gore ke lerato la Modimo le le rometšego Jesu Kriste lefaseng, go re hwela bohole. "Modimo o ratile lefase gakaakang, O file Morwa motswalwanoši wa Gagwe, gore mang le mang a dumetšego ka go Yena a se ke a senyega, eupša o tla ba le Bophelo bjo bosafelego." Gomme *Bophelo* bjo bosafelego fa ke "Bophelo bja Modimo Mong," ka gobane re ba barwa le barwedi ba Modimo, ka kolobetšo ya Moya wo Mokgethwa; e lego Peu ya Abraham, le go re fa tumelo yeo Abraham a bilego le yona, ge a dumetše Modimo pele ebile a bolotšwa.

²² Bjale, selo sa go latela, re a dumela gore barapedi ba ba swanetše "go kopana mmogo, batho ba ba filwego," bjalo ka maleme, le batho ba ba hwetšago dikutollo le ditlhathollo, le go ya pele. Maloko a, goba, badumedi ba, ke ra gore, ba swanetše go tla mmogo bonnyane metsotso ye masomenne tlhano goba iri pele ditirelo di ka tsoge tša thoma. Kereke e swanetše go bulwa ka pela, gomme badumedi ba tla mmogo go mašego a, gomme bonnyane metsotso ye masomenne tlhano go iri pele ditirelo di thoma.

²³ Ke a dumela, Tabarenekele ya Branham ka dinako tšohle e swanetše go ba le rapiano wa go tlala ka Moya, yo a tla tlago ka pela, a tletše ka Moya wo Mokgethwa, gomme o tla raloka ga boleta, ga boleta kudu, mmino wa semoya, bjalo ka, "Tlase sefapanong moo Mophološi a hwilego, tlase kua go hlatswa dibe ke goeeditšego; kua pelong ya ka Madi a tloditšwe, letago go Leina la Gagwe!" Se sengwe ka mokgwa woo. *Kgauswana, Modimo wa Ka, Go Wena*. "Leswika la Mehleng, le fatoletšwego nna." Goba, *Kgauswi Le Sefapano*, goba se sengwe ka mokgwa woo; ka boleta, go nokologa, ge a naganiša kgafetšakgafetša ka Moya wo Mokgethwa, yena goba mosadi, efe kapa efe e ka bago.

²⁴ Ka gona ke a dumela gore barapedi, ba tla ka gare, ba swanetše go gahlanetšwa, gomme tša bona...ba lekeletša dijase le dikefa tša bona, ba bontšhwa madulong a bona, ka tshwarobotse yeo feela babeagae goba matikone a tloditšwego ka Moya wo Mokgethwa ba ka dirago, le ka lerato, go bona Kereke ya Modimo yo a phelago e eya pele.

²⁵ Barapedi ba ga se ba swanela go bolela seng, le go bolela go kgabaganya, le go dira lešata ka kerekeng.

²⁶ Ba swanetše go tla mmogo. Sa pele, ngwegela ka thapelong ya setu, mohlomongwe mo aletareng, lebaka la dinakwana di se kae. Ga go go rapelela godimo, o tsenatsena yo mongwe gape; thapelo ya setu, o mo thapelong. A nke seo se nwelele ka gare. Go rapela, ka moyeng wa gago, morago boela madulong a gago.

²⁷ Goba, ga wa swanela go ya aletareng. E no ya ka gare gomme o tsee setulo, dula fase, theetsa mmino; tswalela mahlo a gago, kobamiša hlogo ya gago; gomme, o homotshe, o rapela Modimo, gohle mmogo.

²⁸ Gona ge Moya o ka utolla se sengwe go yo mongwe, goba—goba yo mongwe a tladitswe ka Moya go lefelo moo ba tla bolelago ka maleme, gona motho yo o swanetše go tsoga le go fa molaetsa. Gomme yo mongwe le yo mongwe o swanetše go swara khutšo ya bona go fihla tlathollo e etla.

²⁹ Ge tlathollo e etla, ga ya swanela go no ba go tsopola Lengwalo, goba se sengwe seo se se nago tlhaloso. E swanetše go ba molaetsa o lebanego le Kereke, goba re nagana gore o tla ba ka nameng; re bona bontši bja seo. Gomme bjale, ke—ke a dumela, mo—mo Moya o be o swanetše go bolela feela bakeng sa “go godiša Kereke.”

³⁰ Gomme bjale, e tla ba molaetsa, se sengwe ka mokgwa wo, mohlomongwe. Mohlomongwe batho ba kgobokana ka nako ye, batho tsoko ba go babja ba tlide ka gare. Mohlomongwe go na le monna o robetsa, a golofetše goba se sengwe. Ga se nke wa ke wa mmona pele. Eupša ge tlathollo e ka tla, e tla ba se sengwe mo lenaneong le; ge tlathollo, goba yo motee yo a sa tšogo bolela, o tla re, “Gabotse, O RIALO MORENA, monna yo a lego magareng ga rena o tšwa lefelong le *rilegorilego*,” gomme a hlaloša lefelo. Gomme o tla bolela gore, “O golofetše ka baka la gore, mengwaga ye meraro goba ye mene ya go feta,” goba eng kapa eng e ka bago yona, molato o ka no ba, “o dirile se sengwe se sebe,” boka, “o tlogetše mosadimogatša wa gagwe le bana, gomme o ba tšhabetše. Gomme o wele go tšwa tereseleng,” goba se sengwe boka mokgwa woo, “gomme o gobetše, gomme e mo golofaditše. O RIALO MORENA, ge a ka sokologa go seo, gomme a tshepiša go ya go mosadimogatša wa gagwe le go ipoelanya yenamong go yena, gona o tla fodišwa bjale le go boela lapeng la gagwe.”

³¹ Gomme ka gona pele e ka ba mang a bolela e ka ba eng, go swanetše go be bonnyane ba babedi, goba bontši, banna goba batho ka moagong, ba ba tiilego semoyeng ka go Thuto ya Ebangedi, ba ba nago le tlatho ye botse ya moyo, o tla tsoga le go bolela gore “Ke wa Morena.”

³² Gomme ge selo se se sa direge, gona maleme a se ke a bolelwa ka kerekeng. Ge motho a bolela ka maleme, Paulo o rile, “Ge go

se na mohlatholli,” le go ya pele, “a nke ba bolele kua gae,” goba e ka ba kae ba ka bago, “gobane ba no itšegofatša bonabeng, gomme ga se bakeng sa go godiša Kereke.”

³³ Ka gona motho yo, morago ga go bolela, le tlhathollo; gomme morago baahlodi ba babedi goba ba bararo, go ya ka Thuto ya Mokgethwa Paulo ya Beibele, gore e swanetše go “ahlolwa ke baahlodi ba babedi goba ba bararo.”

³⁴ Gona a nke motho yo O bitšago go yena, go ya. Gomme e, mohlomongwe e ka no beela motho yo a itšego, goba modiša goba yo mongwe, go ya go bea diatla godimo ga motho yo, gomme yoo a babjago goba go tlaišwa, gomme ba tla fodišwa. Ka gona a nke modiša goba motho yo mongwe, mang kapa mang e ka bago yena yoo a hlaotšwego ke Moya wo Mokgethwa go ya “go rapela thapelo ya tumelo,” a nke ba ye le go direla motho go ya ka se Moya o se boletšego. Ka gona ka nako yeo, motho godimo... Gomme eng kapa eng Moya wo Mokgethwa o se boletšego, se tla direga, ka pela nako yeo, feela bjalo ka ge Moya wo Mokgethwa o e file.

³⁵ Gomme ka gona batho ba be ba kgona go hlalala, le go leboga, le go tumiša le go rapela Modimo, gobane Modimo o nyaka go rapelwa.

³⁶ Gona ba swanetše—gona ba swanetše go inamiša dihlogo tša bona le go ba ka thapel long gape, go bona ge eba go na le molaetša wo mongwe woo Moya wo Mokgethwa o tla nyakago dimpho tše go bonagatša, pele.

³⁷ Gomme gona ge nako e ka ba efe motho a ka bolelago ka maleme, le go hlatholla, gomme ba—ba baahlodi ba tla romela motho go tsea, go dira e ka ba eng e boletšwego go dirwa, gomme ga e phethagale, gona sehlopha ka moka sa bona se tla ya aletareng gomme fale sa rapela Modimo go tloša moya wola go bona, gobane ga a gona a ka nyakago moya boka woo. Re tla tseba e tla ba maaka, gomme e tla ba lenaba, gomme e sego wa Modimo, gobane Modimo o kgona feela go bolela therešo. A nke seo se kwešišwe ka go hlaka ke kereke, pele le thoma ye, taelo ye mpsha.

³⁸ Ka gona, mohlomongwe, mohlomongwe e tla ba se sengwe go swana le se, molaetša o tla re go ngwanešu yo a itšego, mohlomongwe gore, wa re, o tla, “Dutše hleng le seporo sa terene,” goba se sengwe, “go ba le yena a tloga, ka gore fao go ya go ba go tlhekgemana tseleng,” goba selo se sengwe, goba eng kapa eng lenaneong leo.

³⁹ Gomme a nke baahlodi, morago ga ge ba file tumelelo ya kereke go bolela, goba go diriša molaetša wo woo o sa tšwago go ya pele, ge kahlolo ya bona e le, “Ke ya Modimo,” gona šetšang gomme le bone ge eba e a phethagala.

⁴⁰ Gomme ge go etla go phethega, lebogang Modimo, le go ba kgaogelo kudu—kgaogelo kudu ka pelong ya lena go lebišwa go

Yena. Gomme Mo feng tumišo le thapelo, gomme ikokobetšeng. Ka godimo ga dilo tšohle, ebang go kokobela.

⁴¹ Le se tsoge la ikgogomoša wenamong go lefelo moo le tsebago kudu ka yona go feta modiša wa lena goba kereke yeo le rapelago ka go yona. Ge le fihla lefelong leo, gona ke duma yo mongwe le yo mongwe wa lena go hwetsa lefelo le lengwe go rapela le lona. Ka gore, ke kgopela modiša go se tsoge a dumelela e ka ba eng ntle le tshepedišo ya Beibele, ka tsela ye re e bonego fa ka kerekeng. Gomme ka gona re nyaka dimpho tše di šome, le ka lefelong, le barapedi. Ge le išwa pele ka go nepagala, go ya ka Lentšu, le tla bona ye maatla, kereke ya go makatša e šomela Morena wa rena Jesu Kriste.

⁴² Bjale, gona selo sa go latela se tla diregago, e tla ba gore ge batho ba bao ba nago le, bao ba tšwago taolong dinakong tse, gore motikone goba mmeagae tsoko yoo a tletšego ka Moya wo Mokgethwa gomme a ne mogau wo montši ka pelong ya bona, ba tla ya go motho, ka tlhomphokgolo, go swana le tate, gomme o tla ba phošolla ka mokgwa wo. Goba, modiša, mang kapa mang e ka bago yena, go tla ba bohlokwa kudu go matikone go dira bjalo; bakeng sa modiša, mo nakong ye, ge ditirelo tše tša semoya di kgatlampana, o swanetše go ba ka kamoreng ya thapelo, goba felotsoko, a rapela.

⁴³ Melaetša ye, gona, ge go se ne melaetša e yago pele, go se dikutollo, gona batho ba tla fiwa monyetla, ge ba hlogetše, go tsoga le go fa bopaki, bopaki feela bakeng sa letago la Modimo. Ga se ba gapeletšego go dira se, eupša mabopaki a swanetše go fiwa pele ga molaetša goba tirelo ya pina e itšego e thoma, goba e ka ba eng, mabopaki ka go ditirelo tše tša thapelo.

⁴⁴ A le a kwešiša, kereke, gore, go direng se, le na le kereke ka moka ka moyeng wa thapelo, pele Lentšu le etla ka gare go rutwa? Ka gona Moya wo Mokgethwa o tsena ka go Lentšu, gomme o bonagatša Modimo ka Lentšu, go ba tiišetšo ya thapelo ya gago.

⁴⁵ Bjale, ka gona morago ga ye, nako ya modiša go tla godimo, ge eba melaetša e eya pele... E re, modiša o swanetše go tšwela ntelle tlwa, a re, masometharo go tšwa go šupa, gomme... goba kotara ya seswai. Gomme ge melaetša ye e sa tšwelapele, pele modiša a etla go ya gagwe... go tšwa go go ithuta ga gagwe, goba e ka ba kae a ka, go tsea lefelo la gagwe mo sefaleng, ngwanešu tsoko o swanetše go mo laela, gobane bakgethwa ba tseba gore ge modiša a etla sefaleng, ke nako ya gagwe gona bakeng sa tirelo. Gomme seo se fa bontši, nako ye ntši go diponagalo tšohle tša dimpho, go tliša Moya wa Modimo ka go phu—phu phuthego.

⁴⁶ Gomme ge mosedumele e ka ba ofe a ka direga go ba fale, go tšwa taolong; motho wa pelo ya go ba le botho o tla ya go bona, bjalo ka mmeagae goba motikone, gomme o tla ba botša gore ba tla—ba tla... kgopela go ba tlhomphokgolo, goba go ba le

tlhomphokgolo ge tirelo e sa le lenaneong. Ka gobane, Moya o ka moagong, gomme dimpho tša Modimo di dirwa go bonagatšwa bakeng sa go godiša Kereke. Gomme motho yo o swanetše go botšwa ka lerato, gomme e sego ka bogale. Ntle le ge go ka tla lefelong moo ba bego ba enwa, goba ba bangwe ba go se obamele, goba se sengwe gape seo se tla tsenatsenago thapelo ya—ya Morena, tše dimpho di lego, nako yeo, di bonagatšwa; ka gona motho o swanetše, o tla, goba o swanetše go hlahlelwa ntle go lehlakore le tee, go ye nngwe ya dikamora tša ka morago, goba felotsoko, gomme a botšwe, le go šogana le yona, ka botho.

⁴⁷ Bjale, ge modiša a etla sefaleng... Morago ga ge modiša a etla sefaleng, ke tla šišinya, bjalo ka Tabarenakele ya Branham fa, gore modiša o hlahlela phuthego ka gare bonnyane e tee goba tše pedi dikopelo tše botse. Ka gore re e hweditše bjalo, gore ge ba bantši kudu ba leka go diriša...ka kerekeng, e tliša feela bothata. Ke tla šikinya, boka ke dirile ge ke be ke sa diša ka kerekeng; ke etilepele dipina, nnamong. Gomme ke ikwela gore e tla ba selo se sebotse ge modiša a dirile bjalo, ka boyena.

⁴⁸ Gomme ka go dikopano tšohle tša thapelo, moo ba kgobokanego mmogo, dihlopha tša dikopano tša thapelo, modiša o swanetše go ba go ye nngwe le ye nngwe. Ga gwa swanela go tlogelwa go motho ka motho mang go ya go etaapele dikopano tše bjalo. Ka gore re e hweditše bjalo, gore ba tšwa tseleng, ka thuto, gomme morago ba a hlola, go e tliša morago ka kerekeng, gomme, makga a mantši, go tliša bokgelogi, le go ya pele, bjo e sego bja Kereke ya Modimo yo a phelago. Gomme modiša o swanetše go ba ka go dikopano tšohle tša thapelo, le go ya pele, moo phuth... dikgobokano di lego.

⁴⁹ Gomme modiša ga se a swanela go tsoge a tše mahlakore ka kopanong, ka gore fao go sehlopha se tee se ka tsela *ye* le setee ka tsela *yela*. Modiša o swanetše go ema gare ga bobedi bja bona, le go ya go bona, le go ba dira ba boelanywe, ka pela. Gomme ge a sa kgone go ba dira gore ba boelanywe, a a tše motikone le yena. Gomme ka gona ge ba—ba ka se kwe le modiša goba motikone, gona e swanetše go botšwa kerekeng, gomme, bjalo ka ge Jesu a rile, “A ba be go lena bjalo ka mohetene le moditšaba.” “Gomme eng kapa eng le e tlemago lefaseng,” go boletše Jesu, “Ke tla e tlema Legodimong, le se le se tlemollago lefaseng, Ke tla se tlemolla Legodimong.”

⁵⁰ Bjale, ge modiša a etla sefaleng, a nke modiša nako yeo a etepele, ka—ka bonnyane, e tee goba tše pedi dikoša, gomme a ye thwi go Lentšu.

⁵¹ E sego nako ya dikopano tše telele tša bopaki, gomme yo mongwe le yo mongwe o a emelela, le lentšu go bolela. Seo ga se atlege ka go Tabarenakele ya Branham.

⁵² Ge batho e ka ba bafe ba theeditše theipi ye, gomme, lena, e atlegile ka kerekeng ya lena, gabotse, seo se lokile ka

go phethagala. Gomme re thabetše seo kudu, gore e a atlega ka kerekeng ya lena.

⁵³ Eupša ka go ya rena mo, ga e dire, e hlola kgakanego feela. Ke be ke diša mo lebaka la mengwaga ye masomepedi le metšo, gomme ke hweditše gore e hlola kgakanego feela. Ge o na le bopaki, bo fe pele ga...ka phuthegong ya batho, ge Moya o šegofatša, le go ya pele.

⁵⁴ Goba, tsela ya kgonthe go paka, ga se ka kerekeng, ke ntle ka mafelong a leswiswi. A nke Seetša sa gago se phadime moo go lego leswiswi. Eya dipareng le mafelong a go fapana, gomme moo sebe le selo se pakelanego, gona dumelela Seetša sa gago go phadima. Lefelo šeleo go e dira.

⁵⁵ Eupša, golebjalo, ge Morena a go šegofaditše le go go fa tšhegofatšo ye nngwe ya go ikgetha, goba se sengwe seo o swanetšego go botša batho, se dire mo nakong ya tirelo ye nngwe, tirelopele, makgoraditsela, goba ge Moya o šegofatša le go fa mabopaki le dikutollo, le maleme le ditlhathollo, le go ya pele, ka thapelong, ya bakgethwa, pele Lentšu la Modimo le tlišwa pele.

⁵⁶ Morago modiša, ka morago ga go etapele sefela se, ka bjako o tla eta kereke pele ka thapelo, le thapelo ya phuthego, ka boyena, ge a eme sefaleng, go kgopela ka moka ga bona go inamiša dihlogo tša bona ka thapelo.

⁵⁷ Ye re e hweditše go ba tšhegofatšo ye kgolwane, le go bušega kudu go šomeng ka kerekeng.

⁵⁸ Gomme ka gona, selo se se latelago modiša a swanetšego go se dira nako yeo, ka morago. Ge ba bile le kopano ya kgonthe ya semoya, ka dimpho di dira go bonagatša diphiri tše dintši tša dipelo tša batho, le dilo tše di swanetšego go dirwa ke dimpho ka kopanong; gona Moya wa Modimo o ka kopanong, gomme go bonolo kudu nako yeo go modiša go hwetša Moya wa Modimo (o šetšego o le ka kopanong) go Lentšu la Modimo, ge a bala gomme a thoma go rera. Modiša gona o rera e ka ba eng yeo Moya wo Mokgethwa o tla e beago pelong ya gagwe, e ka ba eng a dumago go e dira, a eme fale.

⁵⁹ Eupša phuthego e no ba...Ba ka hlalala, bjalo ka ge a rera, nnete, goba go re “amene” ge Lentšu le etla pele. Eupša, bokgole bjo go ya godimo le go fa melaetša ka maleme le tlhathollo, mola mo—mo Moya wo Mokgethwa o šoma ka modiša, Lengwalo le sola seo, gomme le rile, “Moya wa baprofeta o laolwa ke moprefeta.”

⁶⁰ Modiša gona o swanetše go biletša motho tlase, le go ba kgopela go ba tlhomphokgolo le go boloka lefelo la bona. Modiša e swanetše go ba monna yo a nago le tsela ya go kokobela kudu ka yena, eupša e sego go kokobela kudu eupša se a ka kgonago go ba boka Morena Jesu Kriste ge A bone phošo e eya pele ka kerekeng, O logagantše dithapo gomme a ba kitimišetša ka ntle ga kereke. Gomme bjale Kereke ya Modimo ke ntlo ya kahlolo,

gomme modiša ke lenaneo la godimodimo ka Kerekeng. Mogolo ke selo sa godimodimo ka go Kereke ya boapostola, ka ntle ga Moya wo Mokgethwa. Moya wo Mokgethwa o tliša Molaetša wa Gagwe thwi go mogolo, gomme mogolo o O fa batho.

⁶¹ Bakgethwa le dimpho tša bona ba tla ba le lefelo la bona, pele, go rapela le go tla mmogo, goo go tlišago (bjalo ka ge ke boletše pele) Moya wa Morena, ka moagong, bakeng sa modiša. Gomme go e dira bonolo kudu bakeng sa Moya wo Mokgethwa go šoma ka yena gona, ge kopano ye botse ya semoya e sa tšwa go tla pele ga thuto ya gagwe; gomme ka gona Moya wo Mokgethwa o tsena ka go Lentšu le go ruta Lentšu; o sa tšwa go bonagatšwa ka dimpho.

⁶² Gomme ka gona pitšo ya aletara e a dirwa nako yeo, ka morago ga fao, gomme ba bantsi nako yeo ba tla bona le go tseba, go ya ka mediro ya Moya wo Mokgethwa, le Lentšu la Modimo, leo modiša a Le beago godimo, gore le Kereke ya Modimo yo a phelago. Gomme bjalo ka ge Paulo a boletše, wa kgale, “O tla wela fase le go re, ‘Therešo, Modimo o na le lena.’”

Bjale, ka go dilo tše, a nke e dirwe ka tlhomphokgolo.

⁶³ Gomme bjale go modiša (go wa rena Ngwanešu Neville, ka nako ye), elelwang, ke hlogo ya go tlala ya kereke. Ngwanešu Neville o na le tokelo go šomiša maatlataolo e ka ba afe ao Moya wo Mokgethwa o tla dirago, eng kapa eng Moya wo Mokgethwa o tla mmotšago go se bolela, ka mantšu a mangwe. Ka kerekeng, o na le tokelo go se sengwe le se sengwe seo Modimo a tla mo hlahlelago go se dira. Gape o na le tokelo godimo ga poto ya gagwe ya matikone. A ka kgona go fetola poto ya matikone, bahlokomelaphahlo, goba—goba rapiano, goba ofisi ye nngwe e ka ba efe ka kerekeng yeo a dumago go fetola, a ikwela a hlahlwa ke Moya wo Mokgethwa go dira bjalo. Gomme e ka ba eng a e dirago, ke tla e dumelela, bjalo ka ge yena (ke a dumela) go ba monna wa bomodimo. Ke tla e dumelela go ba ya Morena, gomme ke tla tiišetša ya go swana, kagona go mo fa maatlataolo gona go diriša kereke ka tsela ye a ikwago a hlahlwa go e dira. Bjale, goba, ofisi e ka ba efe ka kerekeng, ge a kganyoga go—go—go fetola maemo, le batho, ka gore o na le maatlataolo go dira seo. E lego, ke tshepa gore se ka mehla se tla ba go ratega le go se tsoge sa dirišwa.

⁶⁴ Bjale, a nke Morena a le šegofatše bohole. Gomme ke tshepa gore se se tla tšwetšwa pele go bokaonekaone bja tsebo ya lena. Gomme a nke Moya wo Mokgethwa o hlokomele yo mongwe le yo mongwe wa lena.

⁶⁵ Gomme a nke moofisiri yo mongwe le yo mongwe wa kereke a tlatše lefelo la gagwe la mošomo, go tsebeng se, gore Modimo o ya go go swara boikarabelo ka fao o swerego ofisi ya gago ka kerekeng. Yo mongwe le yo mongwe o tla swanela go fa lebaka.

⁶⁶ Gomme go maloko, le bakgethwa barategi ba ba filwego bao ba lego ka kerekeng ya rena, bale ba—ba profetago, goba go bolela ka maleme, goba go hlatholla, goba go ba le dikutollo, re no thaba kudu go ba le lena ka kerekeng. Gomme re tla le fa tirišano ya go tlala ka se sengwe le se sengwe seo Moya wo Mokgethwa o tla netefatša gore O boletše le lena. Gomme re a le rata. Gomme re dumela gore dimpho tše di ka go lena, le gore ge le na le sebakabotse sa maleba, le pontšo ya yona go ya ka Lengwalo, gore le tla ba bašomi ba bagolo magareng ga rena. Gomme a nke Morena a le šegofatše bohle, ke thapelo ya ka ya tlhokofalo.

⁶⁷ Bakriste, ge e sa le go theetšeng theipi ye, ke ne selo se tee seo ke se bonego ke se tlogetše, gomme seo ke se: gore, ge batho ba sa bolela ka maleme, e swanetše go ba ka go šielana ga “babedi goba ba bararo,” go ya ka Mangwalo. Ke gore, go na le melaetša ye mebedi goba ye meraro feela go fiwa ka gare tirelong ye nngwe le ye nngwe e tee. Ka morago ga fao go ya ka Mangwalo, gore, “Tšhielano tše; ye e swanetše go ba feela tše pedi, goba tše tharo.” Kafao a nke le rwalele dilo tše ntle, go ya ka tsela, ka tsela ye Moya wo Mokgethwa o e laetsego ka Beibeleng ya Gagwe. Gomme ye ke, bokaonekaone bja tsebo ya ka, tsela ya go e dira. Paulo o rile, “A nke ba be ka go šielana, ba babedi goba ba bararo, ge ba bolela.” Morena a le šegofatše.



TAELO YA KEREKE NST58-1007

(Church Order)

SERISI KA BOITSHWARO, TSHEPEDIŠO LE THUTO YA KEREKE

Molaetša wo ka Ngwanešu William Marrion Branham, setlogong o abilwe ka Seisimane ka Labobedi, Oktobere 7, 1958, ka Tabarenekeleng ya Branham ka Jeffersonville, Indiana, U.S.A., o tšerwe go tšwa go theipi ya go gatišwa ya makenete gomme o ngwadilwe ntle le go fokotšwa ka Seisimane. Ye ya North Sotho phetolelo e ngwadilwe gomme ya phatlalatšwa ke Voice Of God Recordings.

NORTH SOTHO

©2022 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Tsebišo ka tokelo-kgatišo

Ditokelo ka moka di bolokilwe. Puku ye e ka ngwalollwa godimo ga sengwalolli sa ka gae go šomišwa ke mong goba go fiwa ntle, mahala ntle le tefo, bjalo ka sedirišwa go gaša Ebangedi ya Jesu Kriſte. Puku ye e ka se kgone go rekišwa, go tſweletšwa gape ka bopepetla, go romelwa go website, go bolokwa go sedirišwa sa go bušetša, go hlathollelwa malemeng a mangwe, goba go šomišetšwa go kgopela ditſhelete ntle le tumelelo ya go ngwalwa ya Voice Of God Recordings®.

Tshedimošo ye e Tseneletšeng goba materiale yo mongwe o leng gona, ka kgopelo ikopanye le:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org